

晉

書

斟

注

晉書斟注卷十三

錢塘吳士鑑

同注

烏程劉承幹

志第三

天文下

月五星犯列舍經星變附見妖星

客星星流隕雲氣周家祿校勘

記曰經星變五字衍文月五星以下四

項亦史傳事驗之目也上篇天變以下

無目錄本篇月五星四項目宜刪

經星變附見

月五星犯列舍

魏文帝黃初四年三月癸卯魏志文帝紀同宋天文志

推二月無癸卯魏志是也月犯心大星占曰心爲天王位王者惡之

六月甲申太白晝見案劉向五紀論曰太白少陰弱不得專行故以己未爲界不得經天而行經天則晝見其占爲兵喪爲不臣爲更王疆國弱小國疆是時孫權受魏爵號而稱兵距守 其十二月景子月犯心大星

占同上 五年十月乙卯

晉書校文二日宋志作十一月辛卯以魏志文帝紀校之

知誤在宋志

太白晝見占同上

又歲星入太微逆行積百

四十九日乃出

宋志四作三

占曰五星入太微從右入三十

日以上人主有大憂一日有赦至七年五月帝崩明帝卽位大赦天下 六年五月壬戌熒惑入太微至壬申與歲星相及俱犯右執法至癸酉乃出占曰從右入三

十日以上人主有大憂又日月五星犯左右執法大臣
有憂一日執法者誅金火尤甚十一月皇子東武陽王
鑒薨七年正月驃騎將軍曹洪免爲庶人四月征南大
將軍夏侯尚薨五月帝崩蜀記稱明帝問黃權曰天下
鼎立何地爲正對曰當驗天文往者熒惑守心而文帝
崩吳蜀無事此其徵也案三國史並無熒惑守心之文
疑是入太微八月吳遂圍江夏寇襄陽大將軍宣帝救
襄陽十七史商榷四十六日愚按斬吳將張霸等兵喪
司馬懿也大將軍三字宜刪更王之應也

明帝太和五年五月熒惑犯房占曰房四星股肱臣將

相位也月五星犯守之將相有憂其七月車騎將軍張
郃追諸葛亮爲亮所害十二月太尉華歆薨 其十一
月乙酉月犯軒轅大星占曰女主憂 六年三月乙亥
月又犯軒轅大星 十一月景寅太白晝見南斗遂歷
八十餘日恆見占曰吳有兵明年孫權遣張彌等將兵
萬人錫授公孫文懿爲燕王文懿斬彌等虜其眾青龍
三年正月太后郭氏崩

青龍三年三月辛卯

宋志作二年

月犯輿鬼輿鬼主斬殺占

日人多病國有憂又曰大臣憂是年夏及冬大疫四年
五月司徒董昭薨 其五月丁亥太白晝見積三十餘

日以晷度推之非秦魏則楚也是時諸葛亮據渭南宣
帝與相持孫權寇合肥又遣陸議孫韶等入淮河天子
親東征蜀本秦地則爲秦魏及楚兵悉起矣 其七月

己巳月犯樞閉占曰有火災三年七月崇華殿災 三

年六月丁未填星犯井鉞 戊戌太白又犯之占曰凡

月五星犯井鉞悉爲兵災

羣書拾補曰
災當作起

一日斧鉞用大

臣誅 七月己丑填星犯東井距星

宋志東井下作四
年三月癸卯在參

又還犯之
無距星字

占曰填星入井大人憂行近距爲行陰其占

日大水五穀不成景初元年夏大水傷五穀 其年十

月壬申太白晝見在尾歷二百餘日恆晝見占曰尾爲

燕有兵 十二月戊辰月犯鉤鈴占曰王者憂 四年

閏正月己巳

勞格校勘記曰宋志作閏四月乙巳誤

填星犯井鉞 三月

癸卯填星犯東井 己巳太白與月加景晝見 五月

壬寅太白犯畢左股第一星占曰畢爲邊兵又主刑罰

九月涼州塞外胡阿畢師使侵犯諸國西域校尉張就

討之斬首捕虜萬計 其年七月甲寅太白犯軒轅大

星占曰女主憂景初元年皇后毛氏崩

景初元年二月乙酉月犯房第二星占曰將軍有憂

晉書

校文二曰將軍宋志作將相觀下文以矯暨薨當是咎則應作相 其七月司徒陳矯薨

二年四月司徒韓暨薨其七月辛卯太白晝見積二百

八十餘日時公孫文懿自立爲燕王署置百官發兵距

守宣帝討滅之

二年二月己丑

魏志明帝紀作二月癸丑宋天文志亦作

己丑三國志攷證二日攷魏景初用丑正二月夏正之正月正月有癸丑魏志是也

月犯心距星

又犯中央大星

五月乙亥

魏志明帝紀同宋天文志乙亥作己亥勞格校勘記

日五月辛卯朔無乙亥當從宋志作己亥

月又犯心距星及中央大星案占

日王者惡之犯前星太子有憂三年正月帝崩太子立

卒見廢

其年十月甲午月犯箕占曰將軍死

羣書拾補曰當

將軍將死作將軍非下同

正始元年四月車騎將軍黃權薨

其閏

十一月癸丑月犯心中央大星

少帝正始元年四月戊午月犯昴東頭第一星

十月

庚寅月又犯昴北斗四星占曰月犯昴胡不安二年六月鮮卑阿妙兒等寇西方敦煌太守王延破之斬二萬餘級三年又斬鮮卑大帥及千餘級二年九月癸酉月犯輿鬼西北星三年二月丁未又犯西南星占曰有錢令一曰大臣憂三年三月太尉滿寵薨四年正月帝加元服賜羣臣錢各有差四年十月十一月月再犯井鉞是月宣帝討諸葛恪恪棄城走五年二月曹爽征蜀勞格校勘記曰宋志作三月誤五年十一月癸巳填星犯亢距星占曰諸侯有失國者七年七月丁丑月犯左角占曰天下有兵左將軍死七月乙亥熒惑犯畢距星占曰

有邊兵一日刑罰用 九年正月辛亥月犯亢南星占
日兵起一日將軍死 七月癸丑填星犯樞閉占曰王
者不宜出宮下殿 嘉平元年天子謁陵宣帝奏誅曹
爽等天子野宿於是失勢

嘉平元年六月壬戌太白犯東井距星占曰國失政大
臣爲亂 四月辛巳太白犯輿鬼占曰大臣誅一日兵

起 二年三月己未太白又犯井距星三年七月王淩

與楚王彪有謀皆伏誅

魏志三少帝紀作五月甲寅淩
自殺六月彪賜死案本紀於淩

死及殺彪皆敘在六月以前是志作七月者誤也惟與
魏志作六月賜彪死亦異本志下文云嘉平三年五月
月犯亢距星是月王淩楚王彪等誅是淩死確在五
月而殺彪則或言五月或言六月然斷非七月也

主遂卑

吳孫權赤烏十三年夏五月日北至熒惑逆行入南斗
秋七月犯魁第三星而東漢晉春秋云逆行案占熒惑
入南斗三月吳王死一日熒惑逆行其地有死君太元
二年權薨是其應也故國志書於吳是時王凌謀立楚
王彪謂斗中有星當有暴貴者以問知星人浩詳詳疑
有故欲悅其意不言吳有死喪而言淮南楚分吳楚同
占當有王者興故凌計遂定

嘉平二年十二月景申

宋志作十月

月犯輿鬼

三年四月

戊寅月犯東井

五月甲寅月犯亢距星占日將軍死

一日爲兵是月王淩楚王彪等誅七月皇后甄氏崩四年三月吳將爲寇鎮東將軍諸葛誕破走之其年七月

己巳月犯輿鬼九月乙巳又犯之十月癸未熒

惑犯亢南星占曰臣有亂四年十一月丁未月又犯

鬼積尸五年六月戊午太白犯角占曰羣臣有謀不

成庚辰月犯箕星占曰將軍死七月月犯井鉞

景午月又犯鬼西北星占曰國有憂十一月癸酉月

犯東井距星占曰將軍死正元元年正月鎮東將軍母

丘儉揚州刺史文欽反案魏志三少帝紀儉欽反在正元二年非元年兵俱敗

誅死二月李豐及弟翼后父張緝等謀亂事泄悉誅皇

后張氏廢

案魏志三少帝紀張氏廢在三
月本月志有脫文不應屬於二月九月帝廢爲

齊王蜀將姜維攻隴西車騎將軍郭淮討破之

高貴鄉公正元二年二月戊午熒惑犯東井北轅西頭

第一星 甘露元年七月乙卯熒惑犯東井鉞星 壬

戌

勞格校勘記曰七月
乙亥朔無乙卯壬戌

月又犯鉞星 八月辛亥月犯

箕

吳廢孫亮太平元年九月壬辰

羣書拾補
曰廢字衍

太白犯南斗

吳志所書也占曰太白犯斗國有兵大臣有反者其明

年諸葛誕反又明年孫繼廢亮吳魏並有兵事也

甘露元年九月丁巳

勞格校勘記曰九月
月甲戌朔無丁巳

月犯東井 二

年六月己酉月犯心中中央大星 八月壬子歲星犯井
鉞 九月庚寅歲星逆行乘井鉞 十月景寅太白犯
亢距星占曰逆臣爲亂人君憂景元元年五月有成濟
之變及諸葛誕誅皆其應也 二年三月庚子太白犯
東井占曰國失政大臣爲亂是夜歲星又犯東井占曰
兵起至景元元年高貴鄉公敗 三年八月壬辰歲星
犯輿鬼鎮星占曰斧鎮用大臣誅 四年四月甲申歲
星又犯輿鬼東南星占曰鬼東南星主兵木入鬼大臣
誅景元元年殺尙書王經

元帝景元元年二月月犯建星案占月

羣書拾補曰案占月當作占日

五星犯建星大臣相譖是後鍾會鄧艾破蜀會譖艾

二年四月熒惑入太微犯右執法占曰人主有大憂一

云大臣憂 四年十月歲星守房占曰將相憂一云有

大赦明年鄧艾鍾會皆夷滅赦蜀土五年帝遜位

羣書拾補

日誤考景元盡四年上云明年
卽是咸熙元年此當作又明年

武帝咸寧四年九月太白當見不見占曰是謂失舍不
有破軍必有亾國是時羊祜表求伐吳上許之五年十
一月兵出太白始夕見西方太康元年三月大破吳軍
孫皓面縛請罪吳國遂亾

太康八年三月熒惑守心占曰王者惡之太熙元年四

月乙酉帝崩

惠帝元康三年四月熒惑守太微六十日占曰諸侯三公謀其上必有斬臣一日天子亾國是春太白守畢至是百餘日占曰有急令之憂一日相死又爲邊境不安後賈后陷殺太子六年十月乙未太白晝見九年

六月

宋志作二月

熒惑守心占曰王者惡之

八月熒惑

入羽林占曰禁兵大起其後帝見廢爲太上皇俄而三王起兵討趙王倫倫悉遣中軍兵相距累月

永康元年三月中台星圻太白晝見占曰台星失常三公憂太白晝見爲不臣是月賈后殺太子趙王倫尋廢

殺后斬司空張華 其五月熒惑入南斗占曰宰相死
兵大起斗又吳分野是時趙王倫爲相明年篡位三王
興師誅之太安二年石冰破揚州 其八月熒惑入箕
占曰人主失位兵起明年趙王倫篡位改元 二年二
月太白出西方逆行入東井占曰國失政大臣爲亂是
時齊王囧起兵討趙王倫倫滅囧擁兵不朝專權淫奢
明年誅死

永嘉元年自正月至于閏月五星互經天縱橫無常星
傳曰日陽君道也星陰臣道也日出則星亾臣不得專
也晝而星見于上者爲經天其占爲不臣爲更王今五

星悉經天天變所未有也石氏說曰辰星晝見其國不
亾則大亂是後台鼎方伯互執大權二帝流亾遂至六
夷更王迭據華夏亦載籍所未有也 其四月歲星晝
見 五月太白晝見占同前 七月歲星守虛危占曰
木守虛危有兵憂虛危齊分一日守虛饑守危徭役煩
多下屈竭辰星入太微占曰爲內亂一日羣臣相殺太
白守右掖門占曰爲兵爲亂爲賊 八月戊午填星犯
左執法又犯上相占曰上相憂熒惑守昴占曰趙魏有
災辰星守輿鬼占曰秦有災 九月丁未月犯左角占
曰人主憂一日左衛將軍死天下有兵 二年四月癸

酉歲星晝見占曰爲臣彊初齊王囧定京都因畱輔政

遂專傲無君是月成都河間檄長沙王又討之囧又交

戰攻焚宮闕囧兵敗夷滅

案此條繫於上文永寧二年四月之下則是月即四月也

惠帝紀河間王與成都王等請廢囧還第攻囧殺之事

在太安元年十二月非四月也惟殺囧之後始大赦改元故志仍稱爲永寧二年然本紀例應書後改之元不得稱永寧二年也

又殺其兄上軍將軍寔以下二十餘人太安二年成都攻長沙於是公私

饑困百姓力屈

太安二年二月太白入昴占曰天下擾兵大起 七月

熒惑入東井占曰兵起國亂 是秋太白守太微上將

占曰上將以兵亾是年冬成都河間攻洛陽八月長沙

王奉帝出距二王三年正月東海王越執長沙王又張

方又殺之

晉書校文二曰：「隋穎攻洛陽在八月，故又奉帝出距不當云是年冬至越執又帝紀在二

年十一月此屬之三年正月亦誤。太安三年正月，

年即永興元年也。天政志：越疑熒跡同北。惑入南斗占同永康七月左衛將軍陳瞻率眾奉帝伐

成都

晉書校文二曰：「帝紀作右衛上卷月掩犯五星類亦作左衛疑誤在帝紀。」

六軍敗績兵

偏乘輿是時天下盜賊羣起張昌尤盛

永興元年七月庚申太白犯角亢經房心厯尾箕 九

月入南斗占曰犯角天下大戰犯亢有大兵人君憂入

房心爲兵喪犯尾箕

羣書拾補曰：「犯尾箕下脫將軍與民人爲變犯入字。」

女主憂

一日天下大亂入南斗有兵喪一日將軍爲亂其所犯

守又充豫幽冀揚州之分野是年七月有蕩陰之役九月王浚殺幽州刺史和演攻鄴鄴潰於是充豫爲天下兵衝陳敏又亂揚土劉元海石勒李雄等並起微賤跨有州郡皇后羊氏數被幽廢皆其應也 二年四月景子太白犯狼星占曰大兵起 九月歲星守東井占曰有兵井又秦分野是年苟晞破公師蕃惠帝紀作藩張方破

范陽王虓關西諸將攻河間王顒顒奔走東海王迎殺

之晉書校文二曰顒爲南陽王模將梁臣所扼殺見顒傳非東海王懷帝紀亦言顒爲南陽王模所殺

光熙元年四月太白失行自翼入尾箕占曰太白失行而北是謂反生不有破軍必有屠城五月汲桑攻鄴魏

成帝紀咸和七年三月勒將韓雍寇南沙及海虞其十一月熒惑守胃昴下文云八

年三月己巳月入南斗其七月熒惑入昴八月又犯

昴戴洋傳云前年十一月熒惑守胃昴至今年四月積

五百餘日勒遂死熒惑以七月退從畢右順行入黃道

未及天關以八月二十二日復逆行還鈞向畢向昴案

洋所云前年咸和六年也占曰趙魏有兵八年七月石勒死石季龍

自立是時雖二石僭號而其疆弱常占於昴不關太微

紫宮也 八年三月己巳月入南斗與六年占同其年

七月石勒死彭彪以譙石生以長安郭權以秦州並歸

順晉書校文二曰據後趙於是遣督護喬球率眾救彪

載記權據上邽歸順

宋志作 彪敗球退又石季龍石斌攻滅生權 其七月

高球

熒惑入昴占曰胡王死一日趙地有兵是月石勒死石

斌

惑

入

昴

占

曰

季龍多所攻沒 八月月又犯昴占曰胡不安 九年

三月己亥熒惑入輿鬼犯積尸占曰兵在西北有沒軍

死將

五代史後蜀世家司天少監胡韞曰晉咸和九年三月火犯積尸四月雍州刺史郭權見殺案胡韞

所言卽指此事證以成帝紀但云石斌攻郭權于郿陷之而不言其死御覽引二石僞事則謂權降於石虎或

晉人誤以爲被殺耳

六月八月月又犯昴是時石弘雖襲勒位

而石季龍擅威橫暴十一月

勞格校勘記曰宋志作十月誤

廢弘自立

遂幽殺之

咸康元年二月己亥太白犯昴占曰兵起歲中旱四月

石季龍略騎至厯陽加司徒王導大司馬治兵列成衝

要是時石季龍又圍襄陽六月旱 其年二月景戌

羣書

拾補曰當

月入昴占曰胡王死

八月戊戌

勞格校勘記曰宋志

作三月

案八月

丙申朔無戊辰熒惑入東井占曰無兵兵起有兵兵止

十一月月犯昴

二年正月辛亥

宋志作辛卯

月犯房南

第二星

八月月又犯昴

九月庚寅太白犯南斗因

晝見占曰斗爲宰相又揚州分金犯之死喪之象晝見

爲不臣又爲兵喪其後石季龍僭稱天王發眾七萬四

年二月自隴西攻段遼于薊又襲慕容皝於棘城不克

皝擊破其將麻秋并虜段遼殺之三年七月己酉月

犯房上星八月熒惑入輿鬼犯積尸甲戌月犯東

井距星九月戊子月犯建星四年四月己巳太白

晝見在柳占曰爲兵爲不臣明年石季龍大寇河南於

是內外戒嚴

其五月戊戌

勞格校勘記曰宋志作戊午案五月庚申朔無戊午

熒惑犯右執法占曰大臣死執政者憂 九月太白又

犯右執法案占五星災同金水尤甚 十一月戊子太

白犯房上星占日上相憂 五年四月乙未月犯畢距

星占曰兵起 七月己酉月犯房上星占曰將相憂是

月庚申丞相王導薨庾冰代輔政八月太尉郗鑒薨又

有河南邾城之敗百姓流亾萬餘家六年正月征西大

將軍庾亮薨

晉書校文二曰大字衍

六年三月甲辰

宋志作甲寅

熒惑

犯太微上將星占曰上將憂 四月丁丑熒惑犯右執

法占曰執政者憂

羣書拾補曰
政當作法

六月乙亥月犯牽牛

中央星占曰大將憂是時尙書令何充爲執法有譴欲

避其咎明年求爲中書令

其四月景午

勞格校勘記
曰四月己巳

朔無
丙申

太白犯畢距星占曰兵革起一日女主憂

六月

乙卯

勞格校勘記曰六
月戊辰朔無乙卯

太白犯軒轅大星占曰女主憂

七年三月皇后杜氏崩 七年三月壬午月犯房

四

月己丑太白入輿鬼 五月太白晝見

八月辛丑

勞格

校勘記曰八月
辛酉朔無辛丑

月犯輿鬼

八年六月熒惑犯房上第

二星占曰次相憂 八月壬寅月犯畢占曰下犯上兵

革起 十月月又掩畢大星占同上其建元二年

晉書
校文

二日其車騎將軍庾冰薨庾翼大發兵謀伐石季龍專制上流朝廷憚之

康帝建元元年正月壬午勞格校勘記曰正月丁未朔無壬午太白入昴

占曰趙地有兵又曰天下兵起 四月乙酉太白晝見

是年石季龍殺其子邃又遣將寇沒狄道及屯蘄東謀

慕容晃

案晃當作統

二年

晉書校文二日二年宋志作元年殆譌

歲星犯天

關安西將軍庾翼與兄冰書曰歲星犯天關占云關梁當分比來江東無他故江道亦不艱難而石季龍頻年再閉關不通信使此復是天公憤憤無阜白之徵也

其閏月乙酉太白犯斗占曰爲喪天下受爵祿九月帝

崩太子立大赦賜爵

穆帝永和元年正月丁丑月入畢占曰兵大起 戊寅

月犯天關占曰有亂臣更天子之法 五月辛巳太白

晝見在東井占曰爲臣彊秦有兵 六月辛丑月入太

微犯屏西南星占曰輔臣有免罷者 七月八月月皆

犯畢占同上 己未月犯輿鬼占曰大臣有誅 九月

庚戌月又犯畢是年初庚翼在襄陽

晉書校文二日翼鎮襄陽久矣是年

初三字當有脫譌 七月翼疾將終輒以子爰之爲荊州刺史代

己任爰之尋被廢明年桓溫又輒率眾伐蜀執李勢送

至京都蜀本秦地也 二年二月壬子月犯房上星

四月景戌

勞格校勘記曰四月甲午朔無丙戌

月又犯房上星

八月壬

申

勞格校勘記曰八月壬辰朔無壬申

太白犯左執法

三年正月壬午

月犯南斗第五星占曰將軍死近臣去

五月壬申月

犯南斗第四星因入魁占曰有兵一曰有大赦 六月

月犯東井距星占曰將軍死國有憂 戊戌月犯五諸

侯占曰諸侯有誅 九月庚寅太白犯南斗第五星占

曰爲喪爲兵 四年七月景申太白犯左執法 甲寅

月犯房 丁巳月入南斗犯第二星 乙丑太白犯左

執法占悉同上 十月甲辰月犯亢占曰兵起將軍死

十一月戊戌月犯上將星三年六月大赦是月陳遼

征壽春敗而還七月氏蜀餘寇反亂益土九月石季龍

伐涼州五年征北大將軍褚裒卒 四年四月太白入

昴是時戎晉相侵趙地連兵尤甚 七月太白犯軒轅

占曰在趙及爲兵喪 甲寅月犯房 十月甲戌月犯

亢占曰兵起將軍死八月石季龍太子宣殺弟韜宣亦

死 其十一月戊戌月犯上將星五年正月石季龍僭

號稱皇帝尋死 周家祿校勘記曰按右數行并亂重複

接上三年九月庚寅太白犯南斗文下四年七月以下

宜刪併入四年四月文內今校正次第如左 四年四

月太白入昴是時戎晉相侵趙地連兵尤甚 七月景

申太白犯左執法 太白犯軒轅占曰在趙及爲兵喪

是條無干支未知與景申一條應次先後但按景申至

下乙丑三十日若次景申之前則乙丑在三十日之外

不應一月有三十餘日故仍次甲寅之前景申之後

甲寅月犯房丁巳月入南斗犯第二星乙丑太白

犯左執法占悉同上十月甲戌月犯亢占日兵起將

軍死十一月戊戌月犯上將星是年八月石季龍太

子宣殺弟韜宣亦死五年正月季龍僭號稱皇帝尋

死勞格校勘記曰十月庚戌朔無甲辰當從宋志作

甲戌案志文上云十月甲辰月犯亢下云十月

甲戌月犯亢皆繫於四年蓋誤重甲辰一條也五年

四月丁未太白犯東井占曰秦有兵九月戊戌太白

犯左角占曰爲兵十月月犯昴占曰胡有憂將軍死

是年八月褚裒北征兵敗十月關中二十餘壁舉兵內

附石遵攻沒南陽十一月冉閔殺石遵又盡殺胡十餘

萬人於是趙魏大亂十二月褚裒薨八年劉顯苻健慕

容雋並僭號殷浩北伐敗績見廢六年二月辛酉月

犯心大星占曰大人憂又豫州分野也 丁丑月犯房
占曰將相憂 六月己丑月犯昴占同上 乙未月犯
五諸侯占同上 七月壬寅月始出西方犯左角占曰
大將軍死一日天下有兵 丁未月犯箕占曰將軍死
景寅熒惑犯鉞星占曰大臣有誅 八月辛卯月犯
左角太白晝見在南斗月犯右執法占並同上是歲司
徒蔡謨免爲庶人 七年二月太白犯昴占同上 三
月乙卯熒惑入輿鬼犯積尸占曰貴人有憂 五月乙
未熒惑犯軒轅大星占曰女主憂太白入畢口犯左股
占曰將相當之 六月乙亥月犯箕占曰國有兵 景

子月犯斗 丁丑熒惑入太微犯右執法 八月庚午

太白犯軒轅 戊子太白犯右執法占悉同上七年劉

顯殺石祗及諸將帥山東大亂疾疫死亾 八年三月

戊戌月犯軒轅大星 癸丑月入南斗犯第二星 五

月月犯心星 六月癸酉月犯房 七月壬子歲星犯

東井距星占曰內亂兵起 八月戊戌勞格校勘記曰

戊熒惑入輿鬼占曰忠臣戮死 景辰勞格校勘記曰

太白入南斗犯第四星占曰將爲亂一日丞相免 九

年二月乙巳月入南斗犯第三星 三月戊辰月犯房

八月歲星犯輿鬼東南星占曰兵起是時帝幼冲母

后稱制將相有隙兵革連起慕容儁僭號稱燕王攻伐不休 十年正月乙卯月蝕昴星占曰趙魏有兵 癸酉瑱星奄鉞星占曰斧鉞用 二月甲申月犯心大星占曰王者惡之 七月庚午太白晝見晷度推之災在秦鄭 九月辛酉太白犯左執法是時桓温擅命朝臣多見迫脅四月温伐苻健破其嶢柳軍十二月慕容恪攻齊 十一年三月辛亥月奄軒轅占同上 四月庚寅月犯牛宿南星占曰國有憂 八月己未太白犯天江占曰河津不通 十二年六月庚子太白晝見在東井占如上 己未月犯鉞星 八月癸酉月奄建星

九月戊寅熒惑入太微犯西蕃上將星 十一月丁丑

熒惑犯太微東蕃上相星十二年十一月齊城陷執段

龕殺三千餘人

晉書校文二曰帝紀龕被執在升平元年正月此誤且十二年十一月字上文

皆見過此處祇當云
隄月不應再複出

永和三年鮮卑侵略河冀升平元年慕容儁遂據臨漳

盡有幽并青冀之地緣河諸將奔散河津隔絕時權在

方伯九服交兵

升平元年四月壬子太白入輿鬼 丁亥月奄井南轅

西頭第二星

晉書校文二曰井上
當據宋志補東字

占曰秦地有兵一曰

將死 六月戊戌太白晝見在軫占同上軫是楚分野

壬子月犯畢占日爲邊兵 七月辛巳熒惑犯天江

占日河津不通 十一月歲星犯房占日豫州有災其

年五月

穆帝紀及御覽一百二十一引前秦錄均作六月

苻堅殺苻生而立十

二月慕容雋入屯鄴二年八月豫州刺史謝奕薨 二

年十二月辛卯

勞格校勘記曰宋志無十字下有六月知宋志是也案十二月無辛卯辛卯十

一月十日

填星犯軒轅大星占日人主惡之 甲午月犯

東井 六月辛酉月犯房 十月己未太白犯哭星占

日有大哭泣 三年正月壬辰熒惑犯樞閉星案占日

人主憂 三月乙酉熒惑逆行犯鉤鈴案占王者惡之

六月太白犯東井 七月乙酉熒惑犯天江 景戊

太白犯輿鬼占悉同上 戊子月犯牽牛中央大星占

日牽牛天將也犯中央大星將軍死 八月丁未太白

犯軒轅大星 甲子月犯畢大星占曰為邊兵一日下

犯上三年十月諸葛攸舟軍入河敗績豫州刺史謝萬

入潁眾潰而歸萬除名十一月司徒會稽王以郗曇謝

萬二鎮敗求自貶三等四年正月慕容雋死子暉代立

慕容恪殺其尙書令陽鶩等勞格校勘記曰陽鶩卒於

晉海西公太和二年十二月

安得殺之乎恪所殺者太

師慕容輿根非陽鶩也晉書校文二曰攷前燕載記恪無

殺鶩事鶩官至太尉亦非尙

書令所言皆誤

誅與此同

四年正月乙亥月犯牽

牛中央大星 六月辛亥辰星犯軒轅占曰女主憂

已未太白入太微右掖門從端門出占曰貴奪勢一日
有兵又日出端門臣不臣 八月戊申太白犯氐占曰
國有憂 景辰熒惑犯太微西蕃上將星 九月壬午
太白入南斗口犯第四星占曰爲喪有赦天下受爵祿
十二月甲寅熒惑犯房 景寅太白晝見 庚寅月
犯樞閉占曰人君惡之 五年正月乙巳填星逆行犯
太微 五月壬寅月犯太微 庚戌月犯建星占曰大
臣相謀 宋志謀作諧 是時殷浩敗績卒致遷徙 其月辛亥
月犯牽牛宿占曰國有憂 六月癸亥月犯氐東北星
占曰大將當之

羣書拾補曰十六字因下文而衍但改癸酉爲癸亥耳宋志無 五年正

月北中郎將郗曇薨五月帝崩哀帝立大赦賜爵褚后失勢七月慕容恪攻冀州刺史呂護於野王護奔滎陽是時桓溫以大眾次宛聞護敗乃退 五年六月癸酉

月奄氏東北星占曰大將軍當之

羣書拾補曰軍字衍

九月乙

酉勞格校勘記曰九月乙未朔無乙酉

月奄畢占曰有邊兵

十月丁未

勞格校勘記曰十月甲子朔無丁未

月犯畢大星占曰下犯上又曰有邊

兵八月

哀帝紀作十月

范汪廢隆和元年慕容暉遣將寇河陰

哀帝興寧三年七月庚戌月犯南斗占曰女主憂歲星

犯輿鬼占曰人君憂 十月太白晝見在亢占曰亢爲

朝廷有兵喪爲臣彊明年五月皇后庾氏崩

海西太和二年正月太白入昴五年慕容暉爲苻堅所滅又據司冀幽并四州 六年閏月熒惑守太微端門占曰天子亾國又曰諸侯三公謀其上一日有斬臣辛卯月犯心大星占曰王者惡之十一月桓溫廢帝并奏誅武陵王簡文不許溫乃徙之新安皆臣彊之應也簡文咸安元年十二月辛卯熒惑逆行入太微二年三月猶不退占曰國不安有憂是時帝有桓溫之逼 二年五月丁未太白犯天關占曰兵起歲星形色如太白占曰進退如度姦邪息變色亂行主無福歲星於仲夏當細小而不明此其失常也又爲臣彊 六月太白晝

見在七星 乙酉太白犯輿鬼占曰國有憂七月帝崩
桓溫以兵威擅權將誅王坦之等內外迫脅又庾希入
京城盧悚入宮並誅滅之

孝武宣康元年正月戊申月奄心大星案占曰災不在
王者則在豫州一曰主命惡之 三月景午月奄南斗
第五星占曰大臣憂有死一曰將軍死七月桓溫薨
九月癸巳熒惑入太微是時女主臨朝政事多缺

二年閏月己未月奄牽牛南星占曰左將軍死 十二
月甲申太白晝見在氐氏兗州分野三年五月景午北
中郎將王坦之薨 三年六月辛卯太白犯東井占曰

秦地有兵。九月戊申熒惑奄左執法占曰執法者死

太元元年苻堅破涼州二年十月尙書令王彪之卒

太元元年四月景戌熒惑犯南斗第三星 景申又奄

第四星占曰兵大起中國饑一日有赦 八月癸酉太

白晝見在氐氏兗州分野 九月熒惑犯哭泣星遂入

羽林占曰天子有哭泣事中軍兵起 十一月己未月

奄氐角

羣書拾補曰氐當作左

占曰天下有兵一日國有憂 二

年二月

宋志作三年六月

熒惑守羽林占曰禁兵大起 九月

壬午太白晝見在角角兗州分野升平元年五月大赦

廿二史攷異十九日按升平在太元之前大赦亦與上事無涉當是錯簡羣書拾補曰升平二字後人妄增因

見下元年以爲不當在太元二年後故謬加此不知上
二年當連上蓋未著事應不應分段此下云元年五月
大赦正蒙上文一曰有赦以著其驗

此還是太元元年事前後多有此例三年八月秦人寇
樊鄧襄陽彭城四年二月襄陽陷朱序沒四月魏興陷

賊聚廣陵三河眾五六萬於是諸軍外次衝要丹楊尹

屯衛京都六月兖州刺史謝玄討賊大破之是時中外

連兵比年荒儉四年十一月丁巳太白犯哭星占曰

天子有哭泣事五年七月景子辰星犯軒轅占曰女

主當之九月癸未皇后王氏崩六年九月景子太白

晝見七年十一月太白又晝見在斗占曰吳有兵喪

八年四月甲子太白又晝見在參占曰魏有兵喪是

月桓沖征沔漢楊亮伐蜀

孝武帝紀亮伐蜀在五月非四月

並拔城略

地八月苻堅自將號百萬九月

孝武帝紀在冬十月

攻沒壽陽十

月劉牢之破苻堅將梁成斬之殺獲萬餘人謝玄等又

破苻堅於淝水斬其弟融堅大眾奔潰九年六月皇太

后褚氏崩八月謝玄出屯彭城經略中州矣 九年七

月景戌太白晝見 十一月丁巳又晝見 十年四月

乙亥又晝見于畢昴占曰魏國有兵喪是時苻堅大眾

奔潰趙魏連兵相攻堅爲姚萇所殺 十一年三月戊

申

宋志三月作二月拾補識語

太白晝見在東井占曰

秦有兵臣疆

六月甲申又晝見于輿鬼占曰秦有兵

時魏姚萇苻登連兵相征不息 甲午歲星晝見在胃

占曰魯有兵臣彊十二年慕容垂寇東阿

案孝武帝紀是年正月慕容

容垂寇河東載記垂遣慕容瓚攻剋晉陽進軍長子皆在并州境內似以從本紀作河東爲是此作東阿必爲河東之誤翟遼寇河上姚萇假號安定苻登自立隴上呂光

竊據涼土 十二年六月癸卯太白晝見在柳 十月

庚午太白晝見在斗 十三年正月景戌又晝見 十

二月熒惑在角亢形色猛盛占曰熒惑失其常吏且棄

其法諸侯亂其政自是後慕容垂翟遼姚萇苻登慕容

永並阻兵爭疆十四年正月彭城妖賊又稱號於皇丘

劉平之破滅之三月張道破合鄉圍泰山向欽之擊走

之是年翟遼又攻沒滎陽侵略陳項于時政事多弊君
道陵遲矣 十四年四月乙巳太白晝見于柳 六月

辛卯又晝見于翼 九月景寅又晝見于軫 十二月

熒惑入羽林占並同上十五年翟遼掠司兗眾軍累討
不剋慕容垂又跨略并冀等州七月旱八月諸郡大水

兗州又蝗 十五年九月癸未勞格校勘記曰九月熒惑

入太微 十月宋志作十一月太白入羽林 十六年四月癸

卯朔太白晝見 十一月癸巳月奄心前星占曰太子

憂是時太子常有篤疾 十七年七月丁丑宋志作太

白晝見 十月丁酉又晝見 十八年六月又晝見

十九年五月又晝見于柳 六月辛酉又晝見于與鬼

九月又見于軫 二十年六月熒惑入天囷占曰大

饑 七月丁亥太白晝見在太微占曰太白入太微國

有憂晝見爲兵喪 十二月己巳月犯樞閉及東西咸

占曰樞閉司心腹喉舌東西咸主陰謀 二十一年二

月壬申太白晝見 三月癸卯太白連晝見在羽林占

日有疆臣有兵喪中軍兵起 三月太白晝見于胃占

日中軍兵起

羣書拾補曰此十四字
衍文文法各別宋志無

四月壬午

勞格
校勘

記曰四月甲
辰朔無壬午

太白入天囷占曰爲饑

六月歲星犯哭

泣星

羣書拾補曰泣衍案哭與泣是兩星故義熙二年
九月書熒惑犯哭星又犯泣星此處宋志本無泣

字下一條

亦並同 占曰有哭泣事是年九月帝崩隆安元年王

恭等舉兵脅朝廷於是內外戒嚴殺王國寶以謝之又連歲水旱三方動眾人饑

安帝隆安元年正月癸亥熒惑犯哭泣星占曰有哭泣事 四月丁丑太白晝見在東井占曰秦有兵喪六月

姚興攻洛陽郗恢遣兵救之冬姚萇死子略代立魏王

圭卽位於中山

周家祿校勘記曰按帝紀萇死在孝武帝太元十八年不在隆安元年魏王珪

卽位以隆安二年元年慕容詳麟卽位於中山亦與珪無涉案姚興字子略此蓋承用他書避諱之文改爲珪字也 論鏡廣記 駟 綱 惟 下 文 升 平 元 年 冬 魏 破姚興軍又書其名 綱 緣 錄 之 被 字 微 存 柳 誤 其八

月熒惑守井鉞占曰大臣有誅 二年六月戊辰攝提

移度失常歲星晝見在胃兗州分野是年六月郗恢遣

鄧啟方等以萬人伐慕容寶於滑臺敗而還

勞格校勘記日寶當

德作

閏月太白晝見在羽林 丁丑月犯東上相 三

年五月辛酉月又奄東上相 辛未辰星犯軒轅大星

占悉同上二年九月庚楷等舉兵表誅王愉等

周家禎校勘記

日按紀傳楷等舉兵以七月八月王愉奔臨川不應愉奔臨川在前楷等舉兵反在後也宜作七月於是

內外戒嚴三年六月

羣書拾補日六當作十

洛陽沒于寇桓玄破

荆雍州殺殷仲堪等孫恩聚眾攻沒會稽殺內史 四

年六月辛酉月犯哭泣星 五年正月太白晝見自去

年十二月在斗晝見至于是月乙卯案占災在吳越

七月癸亥大角星散搖五色占曰王者流散 丁卯月

犯天關占曰王者憂 九月庚子熒惑犯少微又守之

占曰處士誅

十月甲子月犯東次相

宋志作十月戊子月犯東蕃次

相 其年七月太皇太后李氏崩十月妖賊大破高雅之

於餘姚

晉書校文二曰其年二字承上五年正月來然以帝紀攷之則二事皆在四年志誤

總攷侵縣事云

死者十七八五年孫恩攻侵郡縣殺

丙史至京口進軍蒲洲

孫恩傳作新洲

於是內外戒嚴恩遣別

將攻廣陵殺三千餘人退據郁洲是時劉裕又追破之

九月桓玄表至逆旨陵上十月司馬元顯大治水軍將

以伐玄元興元年正月盧循自稱征虜將軍領孫恩餘

眾略有永嘉晉安之地二月帝戎服遣西軍三月桓玄
尅京都殺司馬元顯放太傅會稽王道子

元興元年三月戊子

勞格按勒記曰宋志作二月案三月己巳朔戊子月廿日知宋志誤

也 太白犯五諸侯因晝見占曰諸侯有誅 七月戊寅

熒惑在東井熒惑犯輿鬼積尸

羣書拾補曰熒惑下不云又疑有脫文 占

並同上 八月景寅太白奄右執法 九月癸未太白

犯進賢占曰賢者誅 二年二月歲星犯西上將 六

月甲辰月奄斗第四星占曰大臣誅不出三年 八月

癸丑太白犯房北第二星 九月己丑歲星犯進賢熒

惑犯西上將

十月甲戌

勞格按勒記曰十月辛卯朔無甲戌

太白犯泣

星 十一月丁酉熒惑犯東上相勞格校勘記曰宋志作十一月丁丑熒惑

犯填星案十一月 十二月乙巳月奄軒轅第二星占勞格校勘記曰升平字誤當作元

悉同 上升平元年冬勞格校勘記曰按紀魏破姚

興作隆魏破姚興軍二年十二月桓立篡位放遷帝后

於尋陽以永安何皇后爲零陵君三年二月劉裕盡誅

桓氏 三年正月戊戌勞格校勘記曰正月己未朔無戊戌熒惑逆行犯

太微西上相占曰天子戰於野上相死 二月景辰熒

惑逆行在左執法西北占曰執法者誅 四月甲午月

奄軒轅第二星 五月壬申月奄斗第二星宋志無填星

入羽林勞格校勘記曰據通鑑目錄填星上脫壬辰二字案五月丁巳朔無壬辰占並同上

是年二月景辰劉裕殺桓修等三月己未破走桓玄遣

軍西討辛巳

安帝紀作辛酉

誅左僕射王愉桓玄劫天子如江

陵五月玄下至崢嶸洲義軍破滅之桓振又攻沒江陵
幽劫天子七月永安何皇后崩

義熙元年三月壬辰月奄左執法占同上 丁酉月奄

心前星占曰豫州有災太白犯東井占曰秦有兵 七

月庚辰太白晝見在翼軫占曰爲臣疆荊州有兵喪

八月丁巳月犯斗第一星占曰天下有兵一日大臣憂

九月甲子

宋志作戊子勞格校勘記曰九月己卯朔無甲子

熒惑犯少微占

日處土誅

庚寅熒惑犯右執法

癸卯熒惑犯左執

法占並同上 十一月景戌太白犯鉤鈴占曰喉舌憂

十二月己卯歲星犯天江占曰有兵亂河津不通十

一月荊州刺史魏詠之薨二年二月司馬國璠等攻沒

弋陽四月姚興伐仇池公楊盛擊走之

羣書拾補曰宋志重仇池二字

本志 九月益州刺史司馬榮期爲其參軍楊承祖所害

三年十二月司徒揚州刺史王謐薨四年正月太保武

陵王遵薨三月左僕射孔安國卒自後政在劉裕人主

端拱而已 二年二月太白犯南斗占曰兵起 己丑

月犯心後星占曰豫州有災 四月癸丑月犯太微西

上將 己未月犯房南第二星 乙丑歲星犯天江占

曰有兵亂河津不通 五月癸未月犯左角占曰左將
軍死天下有兵 壬寅熒惑犯氐占曰氐爲宿宮人主
憂 六月庚午熒惑犯房北第二星 八月癸亥熒惑
犯南斗第五星 丁巳犯建星占曰爲兵 九月壬午
熒惑犯哭星又犯泣星是年二月甲戌司馬國璠等攻
沒弋陽又慕容超侵略徐兗三年正月又寇北徐州至
下邳十二月司徒王謐薨四年正月武陵王遵薨五年
慕容超復寇淮北四月劉裕大軍討之拔臨朐又圍廣
固拔之 三年正月景子太白晝見在奎 二月庚申
勞格校勘記曰二月辛未朔 月奄心後星占同上 五
無庚申當從宋志作庚寅

月癸未月犯左角 己丑太白晝見在參占日益州有

兵喪臣疆 八月己卯太白犯左執法 辛卯熒惑犯

左執法 九月壬子熒惑犯進賢星是年八月劉敬宣

伐蜀不剋而旋四年三月左僕射孔安國卒七月司馬

叔璠等攻沒鄒山

周家祿校勘記
日國璠誤叔璠

魯郡太守徐邕破走

之姚略遣眾征赫連勃勃大爲所破五年劉裕討慕容

超滅之 四年正月庚子熒惑犯天關 五月丁未月

奄斗第二星 壬子填星犯天廡占曰天下饑倉粟少

六月己丑太白犯太微西上將 乙卯

勞格校勘記
日六月癸亥

朔無乙卯當從
米志作己卯 又犯左執法 十月戊子熒惑入羽林

占悉同上五年劉裕討慕容超後南北軍旅運轉不息

五年二月甲子月犯昴占曰胡不安天子破匈奴

五月戊戌歲星入羽林 九月壬寅月犯昴 十月熒

惑犯氏 閏月丁酉月犯昴 辛亥熒惑犯鉤鈴 己

巳勞格校勘記曰閏十月乙酉朔無己巳宋志作己酉案上有丁酉辛亥則己酉亦誤月奄心大

星占曰王者惡之是年四月劉裕討慕容超十月魏王

圭遇弒殂六年五月盧循遁郊甸宮衛被甲 六年三

月丁卯月奄房南第二星災在次相十七史商榷四十六日災上脫占日

二字 己巳又奄斗第五星占曰斗主吳吳地兵起太白

犯五諸侯占曰諸侯有誅 五月甲子月奄斗第五星

己亥月奄昴第三星占曰國有憂一日有白衣之會

六月己丑月犯房南第二星 甲午太白晝見 七

月己亥

勞格校勘記曰七月辛亥朔無己亥

月犯輿鬼占曰國有憂一日

秦有兵

八月壬午太白犯軒轅大星 甲申月犯心

前星災在豫州 景戌月犯斗第五星占同上 丁亥

月奄牛宿南星占曰天下有大誅 乙未太白犯少微

景午太白在少微而晝見 九月甲寅太白犯左執

法 丁丑填星犯畢占曰有邊兵是年三月始興太守

徐道覆反四月盧循寇湘中沒巴陵率眾逼京畿是月

左僕射孟昶懼王威不振仰藥自殺

晉書校文二曰以帝紀攷之昶自殺

及循逼京畿

七年十二月劉蕃梟徐道覆首杜慧度斬

皆五月事 盧循並傳首京都

安帝紀作藩下文同晉書校文二曰帝紀蕃斬道覆在二月慧度斬循在

四月皆非是年十二月

事羣書拾補曰十字衍八年六月

安帝紀作七月庚子宋書道覆傳作八年

閏月劉道規卒時爲豫州刺史八月皇后王氏崩九月兖

州刺史劉蕃尙書左僕射謝混伏誅劉裕西討劉毅斬

首徇之十二月遣益州刺史朱齡石伐蜀 七年四月

辛丑熒惑入輿鬼占曰秦有兵一日雍州有災 六月

太白晝見在翼 己亥填星犯天關占曰臣謀主 八

月太白犯房南第二星 十一月景子

勞格校勘紀曰十一月甲辰朔

無丙子當依宋志作丙午

太白犯哭星其七月

周家祿校勘記曰當云九年七月朱

齡石剋蜀蜀又反討滅之 八年七月癸亥月奄房北

第二星

己未月犯井鉞

勞格校勘記曰七月己巳朔無癸亥己未

八月

戊申月犯泣星

十月辛亥月奄天關占曰有兵

十

一月丁丑

勞格校勘記曰朱志作十月誤十一月丁卯

朔填星犯東井占曰大

人憂

十二月癸卯填星犯井鉞是年八月皇后王氏

崩

九年

案安帝紀及上文皆在八年九月此九年乃九月之誤

誅劉蕃謝混討

滅劉毅十二月朱齡石滅蜀

晉書校文二日前已言齡石剋蜀在七月此又云十

二月不但非實錄且大不檢照

九年二月熒惑入輿鬼占曰有兵喪

太白犯南河占曰兵起

五月壬辰太白犯右執法晝

見

七月庚午月奄鉤鈴占曰喉舌臣憂

九月庚午

歲星犯軒轅大星 己丑月犯左角時劉裕擅命兵革

不休十月

案安帝紀裕討休之在義熙十一年此裕討屬於九年誤蓋十月爲十一年之譌也

司馬休之王師不利休之等奔長安 十年正月丁卯

月犯畢占日將相有以家坐罪者 二月己酉月犯房

北星 五月壬寅月犯牽牛南星 乙丑歲星犯軒轅

大星占悉同上 六月景申月奄氐占日將死之國有

誅者 七月庚辰月犯天關占日兵起熒惑犯井鉞填

星犯輿鬼遂守之占日大人憂宗廟改 八月丁酉月

奄牽牛南星占同上 九月填星犯輿鬼占日人主憂

丁巳太白入羽林 十二月己酉月犯西咸占日有

陰謀十一年林邑寇交州距敗之 十一年三月丁巳

勞格校勘記曰宋志作

二月誤丁巳卯與陽月入畢占曰天下兵起一日有

邊兵 己卯熒惑入輿鬼 閏月景午填星又入輿鬼

占曰爲旱大疫爲亂臣 五月癸卯熒惑入太微 甲

辰犯右執法 六月己未太白犯東井占曰秦有兵

戊寅犯輿鬼占曰國有憂 七月辛丑月犯畢占同上

八月壬子月犯氏占同上 庚申太白順行從右掖

門入太微 丁卯奄左執法 十一月癸亥勞格校勘

月庚辰朔月入畢占同上 乙未月入輿鬼而暈 十

二年五月甲申歲星留房心之閒宋之分野始封劉裕

爲宋公

晉書校文二曰帝紀裕封宋公在十四年六月非十二年公賊此係二字當爲四之誤宋

六月壬子太白順行入太微右掖門 己巳月犯畢占

同上 七月月犯牛宿 十月景戌月入畢 十三年

五月景子月犯軒轅 丁亥犯牽牛 癸巳熒惑犯右

執法 八月己酉月犯牽牛 丁卯月犯太微占日人

君憂 九月壬辰熒惑犯軒轅 十月戊申月犯畢占

悉同上月犯箕

按月犯箕上不言何日疑有脫文

占曰國有憂 甲寅

月犯畢占同上 乙卯填星犯太微留積七十餘日占

日亾君之戒 壬戌月犯太微 十四年三月癸巳

宋志

作癸丑勞格校勘記曰三月丙申朔無癸巳

太白犯五諸侯 五月庚子月

犯太微 七月甲辰熒惑犯輿鬼占曰秦有兵又爲旱

爲兵喪亦曰大人憂宗廟改亦爲亂臣時劉裕擅命軍
旅數興饑旱相屬其後卒移晉室 丁巳月犯東井占

曰軍將死 八月甲子太白犯軒轅 癸酉填星入太

微犯右執法因留太微中積二百餘日乃去占曰填星

守太微亾君之戒有徙王 九月乙未太白入太微犯

左執法 丁巳月入太微占曰大人憂 十月甲申月

入太微

羣書拾補曰甲申月入太微六字衍宋志無

癸巳

勞格校勘記曰十月癸亥朔無

已熒惑入太微犯西蕃上將仍順行至左掖門內留二
十日乃逆行義熙十二年七月劉裕伐姚泓十三年八

月擒姚泓司寇秦雍悉平十四年劉裕還彭城受宋公
十一月左僕射前將軍劉穆之卒明年西虜寇長安雍
州刺史朱齡石諸軍陷沒官軍捨而東十二月帝崩二
史攷異十九日按穆之卒亦在十三年而朱齡石陷沒
及安帝崩俱十四年事義熙紀元終於十四年不得更
有明年志皆誤晉書校文二日帝紀及宋武帝紀伐姚
泓均在十二年八月擒泓紀在七月宋武帝紀則作八
月與
此同

恭帝元熙元年正月景午三月壬寅五月景申月皆犯

太微占悉同上

乙卯

勞格校勘記曰通鑑目作己卯案正月壬辰朔乙卯月之廿四

日目錄作己卯誤也

辰星犯軒轅

六月庚辰太白犯太微 七

月己卯

勞格校勘記曰七月己丑朔無己卯

月犯太微太白晝見自義熙

元年至是太白經天者九日蝕者四皆從上始革代更
王臣失君之象也是夜太白犯哭星 十二月丁巳格勞

校勘記曰十二月月太白俱入羽林 二年三月庚午

己巳朔無丁巳 羣書拾補曰當作二月填星犯太微占悉同上元年七月劉裕受

宋王是年六月帝遜位于宋

妖星客星

魏文帝黃初三年九月甲辰客星見太微左掖門內占
曰客星出太微園有兵喪十月帝南征孫權是後累有
征役 六年十月乙未有星孛于少微歷軒轅占爲兵
喪除舊布新之象時帝軍廣陵辛丑親御甲冑觀兵明

年五月帝崩

明帝太和六年十一月景寅有星孛于翼近太微上將星占曰爲兵喪甘氏曰孛彗所當之國是受其殃翼又楚分野孫權封略也明年權有遼東之敗又明年諸葛亮入秦川孫權發兵緣江淮屯要衝權自圍新城以應亮天子東征權

青龍四年十月甲申有星孛于大辰長二尺 乙酉又孛于東方 十一月己亥彗星見犯宦者天紀星占曰大辰爲天王天下有喪劉向五紀論曰春秋星孛于東方不言宿者不加宿也宦者在天市爲中外有兵天紀

爲地震孛彗主兵喪景初元年六月地震九月吳將朱
然圍江夏皇后毛氏崩二年正月討公孫文懿三年正
月明帝崩

景初二年八月彗星見張長三尺逆西行四十一日滅
占同上張周分野 十月癸巳客星見危逆行在離宮
北騰蛇南甲辰犯宗星己酉滅占曰客星所出有兵喪
虛危爲宗廟又爲墳墓客星近離宮則宮中將有大喪
就先君於宗廟之象也三年正月帝崩

少帝正始元年十月乙酉彗星見西方在尾長三丈拂
牽牛犯太白 十一月甲子進犯羽林占曰尾爲燕又

爲吳牛亦吳越之分太白爲上將羽林中軍兵爲吳越

有喪中軍兵動二年五月吳遣三將寇邊吳太子登卒

六月宣帝討諸葛恪於皖太尉滿寵薨

宋志上有三年二字

六

年八月戊午彗星見七星長二尺色白進至張積二十

三日滅 七年十一月癸亥又見軫長一尺積百五十

六日滅 九年三月又見昴長六尺色青白芒西南指

七月又見翼長二尺進至軫積四十二日滅案占曰

七星張爲周分野翼軫爲楚昴爲趙魏彗所以除舊布

新主兵喪也嘉平元年宣帝誅曹爽兄弟及其黨與皆

夷三族京師嚴兵二年誅楚王彪又襲王淩於淮南淮

南東楚也魏諸王幽於鄴

嘉平三年十一月癸亥

勞格校勘記曰未志作癸未案十一月癸卯朔無癸未未志誤

有星孛于營室西行積九十日滅占曰有兵喪室爲後宮後宮且有亂 四年二月丁酉彗星見西方在胃長五六丈色白芒南指貫參積二十日滅 五年十一月彗星又見軫長五丈在太微左執法西東南指積百九十日滅案占胃兗州之分野參主兵太微天子庭執法爲執政孛彗爲兵喪除舊布新之象正元元年二月李豐豐弟翼后父張緝等謀亂皆誅皇后亦廢九月帝廢爲齊王

高貴鄉公正元元年十一月白氣出南斗側廣數丈長
竟天王肅曰蚩尤之旗也東南其有亂乎 二年正月
有彗星見于吳楚分西北竟天鎮東大將軍母丘儉等
據淮南叛景帝討平之案占蚩尤旗見王者征伐四方
自後又征淮南西平巴蜀是歲吳主孫亮五鳳元年也
斗牛吳越分案占吳有兵喪除舊布新之象也太平三
年孫綝盛兵圍宮廢亮爲會稽王故國志又書於吳也
淮南江東同揚州地故于時變見吳楚楚之分則魏之
淮南多與吳同災是以母丘儉以字爲己應遂起兵而
敗後三年卽魏甘露二年諸葛誕又反淮南吳遣將救

之及城陷誕眾與吳兵死沒各數萬人猶前長星之應也

甘露二年十一月彗星見角色白占曰彗星見兩角閒色白者軍起不戰邦有大喪景元元年高貴鄉公爲成濟所害 四年十月丁丑客星見太微中轉東南行厯軫宿積七日滅占曰客星出太微有兵喪景元元年高貴鄉公被害

元帝景元三年十一月壬寅彗星見亢色白長五寸

宋志

作五丈轉北行積四十五日滅占曰爲兵喪一日彗星見

亢天子失德四年鍾會鄧艾伐蜀剋之二將反亂皆誅

咸熙二年五月彗星見王良長丈餘色白東南指積十
二日滅占曰王良天子御駟彗星掃之禪代之表除舊
布新之象也白色爲喪王良在東壁宿又并州之分野
八月文帝崩十二月武帝受魏禪

武帝泰始四年正月景戌彗星見軫青白色西北行又
轉東行占曰爲兵喪軫又楚分野三月皇太后王氏崩
十月吳寇江夏襄陽 五年九月星孛于紫宮占如上
紫宮天子內宮十年武元楊皇后崩 十年十二月有
星孛于軫占曰天下兵起軫又楚分野

咸寧二年六月甲戌星孛于氐占曰天子失德易政氐

又兗州分 七月星孛大角大角爲帝坐 八月星孛
太微至翼北斗三台占曰太微天子庭大人惡之一曰
有改王翼又楚分野北斗主殺罰三台爲三公 三年
正月星孛于西方 三月星孛于胃胃徐州分 四月
星孛女御女御爲後宮 五月又孛于東方 七月星
孛紫宮占曰天下易主 四年四月蚩尤旗見東井後
二年傾三方伐吳是其應也 五年三月星孛于柳
四月又孛于女御 七月孛于紫宮占曰外臣陵主柳
又三河分野大角太微紫宮女御並爲王者明年吳亾
是其應也孛主兵喪征吳之役三河徐兗之兵悉出交

戰於吳楚之地吳丞相都督以下梟戮十數偏裨行陣之徒馘斬萬計皆其徵也

太康二年八月有星孛于張占曰爲兵喪 十一月星孛于軒轅占曰後宮當之 四年三月戊申星孛于西南是年齊王攸任城王陵琅邪王佃新都王詠薨 八年九月星孛于南斗長數十丈十餘日滅占曰斗主爵祿國有大憂一日孛于斗王者疾病天下易政大亂兵起

太熙元年四月客星在紫宮占曰爲兵喪太康末武帝耽宴遊多疾病是月己酉帝崩永平元年賈后誅楊駿

及其黨與皆夷三族楊太后亦見弑又誅汝南王亮太保衛瓘楚王瑋王室兵喪之應也

惠帝元康五年四月有星孛于奎至軒轅太微經三台太陵占曰奎爲魯又爲庫兵軒轅爲後宮太微天子庭三台爲三司太陵有積尸死喪之事其後武庫火西羌反後五年司空張華遇禍賈后廢死魯公賈謐誅又明年趙王倫篡位於是三王興兵討倫兵士戰死十餘萬人

永康元年三月妖星見南方占曰妖星出天下大兵將起是月賈后殺太子趙王倫尋廢殺后斬司空張華又

廢帝自立於是三王並起迭總天權其十二月彗星出牽牛之西指天市占曰牛者七政始彗出之改元易號之象也天市一名天府一名天子旗帝坐在其中明年趙王倫篡位改元尋爲大兵所滅二年四月彗星見齊分占曰齊有兵喪是時齊王囧起兵討趙王倫倫滅囧擁兵不朝專權淫奢明年誅死

太安元年四月彗星晝見二年三月彗星見東方指

三台占曰兵喪之象三台爲三公三年正月

周家祿校勘記曰校

見前太安無二年是年正月改元永安

東海王越執太尉長沙王乂張方

又殺之

永興元年五月客星守畢占曰天子絕嗣一曰大臣有
誅時諸王擁兵其後惠帝失統終無繼嗣二年八月
有星孛于昴畢占曰爲兵喪昴畢又趙魏分野十月
丁丑有星孛于北斗占曰璇璣更授天子出走又曰彊
國發兵諸侯爭權是後諸王交兵皆有應明年惠帝崩
成帝咸和四年七月有星孛于西北犯斗二十三日滅
占曰爲兵亂十二月郭默殺江州刺史劉楨荊州刺史
陶侃討默斬之時石勒又始僭號

咸康二年正月辛巳彗星夕見西方在奎占曰爲兵喪
奎又爲邊兵三年正月石季龍僭天王位四年石季龍

伐慕容皝不剋既退皝追擊之又破麻秋時皝稱蕃邊
兵之應也 六年二月庚辰有星孛于太微七年三月
杜皇后崩

康帝建元元年十一月六日彗星見亢長七尺白色占
曰亢爲朝廷主兵喪二年康帝崩

穆帝永和五年十一月乙卯彗星見于亢芒西向色白
長一丈六年正月丁丑彗星又見于亢占曰爲兵喪疾
疫其五年八月褚裒北征兵敗十一月冉閔殺石遵又
盡殺胡十餘萬人於是中土大亂十二月褚裒薨是年
大疫

升平二年五月丁亥彗星出天船在胃占曰爲兵喪除
舊布新出天船外夷侵一日爲大水四年五月天下大
水五年穆帝崩

哀帝興寧元年八月有星孛于角亢入天市案占曰爲
兵喪三年正月皇后王氏崩二月帝崩三月慕容恪攻
沒洛陽沈勁等戰死

海西太和四年二月客星見紫宮西垣至七月乃滅占
曰客星守紫宮臣弒主六年桓溫廢帝爲海西公

孝武寧康二年正月丁巳周家祿校勘記有星孛于女

虛經氏角亢元作軫翼張至三月景戌彗星見於氏

九月丁丑有星孛于天市占曰爲兵喪太元元年七月
苻堅破涼州虜張天錫

太元十一年三月客星在南斗至六月乃沒占曰有兵

有赦

羣書拾補曰有赦
上脫一日二字

是後司雍充冀常有兵役十二

年正月大赦八月又大赦十五年七月壬申有星孛

于北河戌

孝武帝紀作丁巳羣
書拾補曰戌一作戒

經太微三台文昌入北

斗色白長十餘丈八月戌戌入紫宮

元作
微

乃滅占曰北

河戌一名胡門胡有兵喪埽太微入紫微王者當之三

台爲三公文昌爲將相將相三公有災入北斗諸侯戮

一曰埽北斗疆國發兵諸侯爭權大人憂二十一年帝

魏明帝景初二年宣帝圍公孫文懿於襄平八月景寅夜有大流星長數十丈白色有芒鬣從首山東北流墜襄平城東南占曰圍城而有流星來走城上及墜城中者破又曰星墜當其下有戰場又曰凡星所墜國易姓九月文懿突圍走至星墜所被斬屠城坑其眾

元帝景元四年六月有大流星二並如斗見西方分流南北光照地隆隆有聲案占流星爲貴使星大者使大是年鍾鄧剋蜀二星蓋二帥之象二帥相背又分流南北之應鍾會既叛三軍憤怒隆隆有聲兵將怒之徵也武帝泰始四年七月星隕如雨皆西流占曰星隕爲百

姓叛西流吳人歸晉之象也二年案上文云武帝泰始四年此處二年上應

有後字吳夏口督孫秀率部曲二千餘人來降

太康九年八月壬子星隕如雨劉向傳云下去其上之

象後三年周家祿校勘記曰帝崩而惠帝立天下自此

亂矣

惠帝元康四年九月甲午枉矢東北行竟天 六年六

月景午夜有枉矢自斗魁東南行案占日以亂伐亂北

斗主執殺出斗魁居中執殺者不直之象也是後趙王

殺張裴廢賈后以理太子之冤因自篡盜以至屠滅以

亂伐亂之應也一日氏帥齊萬年反之應也

大安二年十一月辛巳有星晝隕中天北下光變白有聲如雷案占名曰營首營首所在下有兵流血明年劉元海石勒攻略并州多所殘滅王浚起燕代引鮮卑攻掠鄴中百姓塗地有聲如雷怒之象也

永興元年七月乙丑星隕有聲 二年十月星又隕有聲占同上是後遂亾中夏

光熙元年五月枉矢西南流是時司馬越西破河間兵奉迎大駕尋收繆盾何綏等肆無君之心天下惡之及死而石勒焚其屍柩是其應也

懷帝永嘉元年九月辛卯

勞格校勘記曰九月戊申朔無辛卯當從本紀作辛亥

有大星如日自西南流于東北小者如斗相隨天盡赤

聲如雷占曰流星為貴使星大者使大是年五月汲桑

殺東燕王騰諸史攷異二日按懷帝紀永嘉元年五月汲桑反遂陷鄴城害新蔡王騰是年三月

改封東燕王騰為新蔡王志失於改正遂據河北十一月始遣和郁為征

北將軍鎮鄴西周家祿校勘記曰西衍文田甄等大破汲桑斬于樂

陵於是以甄為汲郡太守弟蘭鉅鹿太守小星相隨者

小將別帥之象也司馬越忿魏郡以東平原以南皆黨

於桑以賞甄等於是侵掠赤地有聲如雷忿怒之象也

四年十月庚子大星西北墜有聲懷帝紀作西南尋而帝蒙

塵于平陽

元帝太興三年四月壬辰枉矢出虛危沒翼軫占曰枉矢所觸天下之所伐翼軫荊州之分野太寧二年王敦殺譙王承及甘卓案元帝紀譙王承遇害在永昌元年四月甘卓在五月本志中則云永昌元年四月殺譙王司馬承而敦又梟夷枉矢觸翼之應也

永昌元年七月甲午勞格校勘記曰七月壬子朔無甲午有流星大如蚕

長百餘丈青赤色從西方來尾分爲百餘歧或散時王敦之亂百姓流亾之應也

成帝咸康三年六月辛未流星大如二斗魁色青赤光耀地出奎中沒婁北案占爲饑五穀不藏是月大旱饑

六年二月庚午朔有流星大如斗光耀地出天市西
行人太微占曰大人當之八年六月成帝崩

穆帝永和八年六月辛巳日未入有流星大如三斗魁
從辰巳上東南行晷度推之在箕斗之間蓋燕分也案
占爲營首營首之下流血滂沲是時慕容儁僭稱大燕
攻伐無已 十年四月癸未流星大如斗色赤黃出織
女沒造父有聲如雷占曰燕齊有兵百姓流亾其年十
二月慕容儁遂據臨漳盡有幽并青冀之地緣河諸將
奔散河津隔絕慕容恪攻齊

升平二年十一月

宋志作十二月

枉矢自東南流于西北其長

半天 四年十月庚戌天狗見西南占曰有大兵流血
海西太和四年十月壬申有大流星西下有聲如雷明
年遣使免袁真爲庶人桓溫征壽春真病死息瑾代立
求救於苻堅溫破苻堅軍六年壽春城陷

孝武太元六年十月乙卯有奔星東南經翼軫聲如雷
占曰楚地有兵軍破百姓流亾十二月苻堅荊州刺史
梁成襄陽太守閻震率眾伐竟陵桓石虔擊大破之生
擒震斬首七千獲生口萬人聲如雷將帥怒之象也

十三年閏月戊辰天狗東北下有聲占曰有大戰流血
自是後慕容垂翟遼姚萇苻登慕容永並阻兵爭疆十

四年正月彭城妖賊又稱僞號於皇丘劉牢之破滅之
三月張道破合鄉太山向欽之擊走之

安帝隆安五年三月甲寅流星赤色眾多西行經牽牛
虛危天津閣道貫太微紫宮占曰星庶人類眾多西行
眾將西流之象經天子庭主弱臣彊諸侯兵不制其年
五月孫恩侵吳郡殺內史六月至京口於是內外戒嚴
營陣屯守劉裕追破之元興元年七月大饑人相食浙
江以東流亾十六七吳郡吳興戶口減半又流奔而西
者萬計十月桓玄遣將擊劉軌破走之軌奔青州

雲氣

惠帝永興元年十二月壬寅

勞格校勘記曰十二月甲子朔無壬寅本紀在大周

家祿校勘記曰永興元年當作太安二年

夜有赤氣互天砰隱有聲

二年

十月丁丑

周家祿校勘記曰二年上當加永興據惠帝紀

赤氣見北方東西竟

天占曰並爲大兵砰隱有聲怒之象也是後四海雲擾

九服交兵

光熙元年十二月甲申有白氣若虹中天北下至地夜見五日乃滅占曰大兵起明年王彌起青徐汲桑亂河北毒流天下

懷帝永嘉三年十二月乙亥有白氣如帶出南北方各

二宋志出下有東字

起地至天貫參伐中占曰天下大兵起四

年三月司馬越收繆盾等

案盾本傳盾與兄播及帝舅王延等爲越所害懷帝紀事

在三年三月與此異

又三方雲擾攻戰不休五年三月司馬越死

於甯平城石勒攻破其眾死者十餘萬人六月京都焚滅帝如虜庭

愍帝建興元年十月己巳夜有赤氣曜於西北荊州刺史陶侃討杜弢之黨於石城戰敗